

Референдум

Інформації про воліча

I

Датум і час реалізовання референдуму

Референдум ся одбуде в **суботу 21. 1. 2023** од **7:00** до **22:00** г.

II

Право волити

Право голосувати в референдумі має обчан Словенської республіки, котрий має право волити до Народної ради Словенської республіки, т. зв. котрий найпізніше в день референдуму досягне 18 років.

Прекажков права волити є законом окліщено обмежіння особної слободы з доводу охраны верейного здравя, кедъ особітный закон в часі пандемії не встановить інакше.

III

Способ вольбы

Воліч може волити на теріторії Словенської республіки

- у волебнім обводі, де є записаний у списку волічів, або
 - в будькоттім волебнім обводі на основі легітімації на голосування.
- Воліч може волити мімо теріторії Словенської республіки поштов, кедъ
- не має стабільне місце бываня на теріторії Словенської республіки і быв на основі жадости записаний до окремого списку волічів,
 - має стабільне місце бываня на теріторії Словенської республіки а в часі референдуму ся стримує мімо ей теріторії і о вольбу поштов пожадать село/місто, де має стабільне місце бываня.

IV

Легітімація на голосування

Воліч, котрий має стабільне місце бываня на теріторії Словенської республіки і в день реалізовання референдуму не буде мочі волити в місці свого стабільного бываня у волебнім обводі, де є записаний у списку волічів, може пожадати **село/місто свого стабільного бываня** о выданя легітімації на голосування. Село/місто на основі жадости волічови выдасть легітімацію на голосування і зо списку волічів го вычаркне з позначков о выданю легітімації на голосування.

Легітімація на голосування дає право на записаня до списку волічів у будькотрім волебнім обводі.

Воліч може пожадати о выданя легітімації на голосування

особно,

| найпізніше остатній робочій день перед реалізаціёв референдуму (т. зв. Найпізніше 20. 1. 2023) в урядных годинах села/міста.

Село/місто видасть легітімацію на голосування безодкладно.

в письмовій формі так,

жебы жадостъ о выданія легітімації на голосування била доручена селу/місту найпізніше 15 робочих днів перед днём реалізовання референдуму (т. зн. найпізніше 2. 1. 2023),

електронічно (імейлом) так,

жебы жадостъ о выданія легітімації на голосування била доручена селу/місту найпізніше 15 робочих днів перед днём реалізовання референдуму (т. зн. найпізніше 2. 1. 2023). Село/місто про тоты потребы публікує на своїй вебовій сторінці електронічну адресу на посыланя жадостей. Кедъ село/місто не має вебову сторінку, публікує електронічну адресу на доручовання жадости на урядній таблї села/міста.

Жадостъ мусить обсяговати інформації о волічови

- мено і прізвіско,
- родне чісло,
- штатну принадлежность,
- адресу стабілного бываня (село/місто, уліця, чісло дому),
- корешпонденчну адресу, на котру село/місто зажене легітімацію на голосування.

посередництвом особи уповноваженої жадателем

мож пожадати о выданія легітімації на голосування найпізніше в остатній робочій день перед днём реалізовання референдуму (т. зн. найпізніше 20. 1. 2023).

Жадостъ мусить обсяговати інформації о волічови

- мено і прізвіско,
- родне чісло,
- штатну принадлежность,
- адресу стабілного бываня (село/місто, уліця, чісло дому).

Село/місто зажене легітімацію на голосування волічови на адресу стабілного бываня, кедъ в жадости не уведе іншу корешпонденчну адресу, найпізніше три робочі дні од прията жадости. Село/місто зажене легітімацію на голосування на адресу уведжену в жадости рекомандо „До властных рук“.

Кедъ воліч в писомній жадости або електронічній жадости уведе, же легітімацію на голосування перевозьме інша особа, мусить в жадости увести ей мено, прізвіско і чісло обчанської легітімації. Тота особа є повинна перевзятя легітімації на голосування потвердити своїм підписом.

V

Вольба поштов

Воліч, который має місце стабілного бываня на теріторії Словенської републіки і в часі референдуму ся стримує мімо ей теріторії

Воліч, который має місце стабілного бываня на теріторії Словенської републіки і в часі референдуму ся стримує мімо ей теріторії, може пожадати село/місто стабілного бываня о вольбу поштов, а то

письомно (в письмовій формі) так,

жебы жадостъ о вольбу поштов била доручена на електронічну адресу села найпізніше 50 днів перед днём реалізовання референдуму (т. зн. найпізніше 2. 12. 2022)

Жадостъ доручена по становленім терміні не буде акцептована.

електронічно (імейлом) так,

жадость о вольбу поштов була доручена на електронічну адресу села/міста найпізніше 50 днів перед днём реалізовання референдуму (т. зн. найпізніше 2. 12. 2022). Жадость доручена по становленім терміні не буде акцептована.

Жадость о вольбу поштов мусить обсяговати totы інформації о волічови:

- мено і призвіско,
- родне чісло,
- адресу стабілного бываня,
- адресу місця бываня в загранічу (уліца, чісло дому – оръєнтачне чісло, село/місто, ПСЧ, штат), на котрій сі воліч писмо перевозьме.

Кедъ жадость сповнять законом установлены крітерії, село/місто зажене найпізніше 35 днів перед днём референдуму волічови, котрый пожадав о вольбу поштов, на адресу місця перебывания в загранічу

- копертку з уряднов печатков села/міста,
- волебный листок,
- копертку на вернутя (вызначену геслом „VOL'VA POŠTOU“ /“ВОЛЬБА ПОШТОВ“/, з выписанов адресов сельского/міського уряду як адресата і адресов воліча в загранічу як одосылателя),
- поучінія о способі голосования.

По акті голосования (подля поучіння о способі голосования) вложить воліч волебный листок до копертки з уряднов печатков села/міста і заліпить ей. Заліплену копертку вложить до копертки на вернутя, которую посылатъ. Копертку на вернутя заганять одосылатель на властны наклады.

До выслідку голосования ся зарахують голосы на волебных листках, котры были доручены селу/місту стабілного бываня воліча найпізніше в послідній робочій день перед днём реалізовання референдуму (т. зн. найпізніше 20. 1. 2023).

* * *

Далшы інформації о референдумі суть уведжены на вебовій сторінці

www.minv.sk/?referendum